

憲示 第五十號

署輔政使司師

曉諭事現奉

督憲札開定於西歷本年二月初二日至初十日即華歷十二月廿二日至明年正月初一日在附近鯉魚門左右陸路操演大炮其炮向南方及西南方開放到時無論諸色人等均要離開炮碼所經之路該處一帶經派炮兵看守禁止行人過往當未操演之先預派炮兵清除道路毋得逾越凡有炮碼壳未經爆裂者不准摸弄以免不虞切切特示
英一千八百九十九年 正月 二十七日示

為

憲示 第五十五號

署輔政使司師

曉諭事照得現奉

督憲札開潔淨衙門有通事一缺招人投考該缺係充當總差傳話之職凡投考之人須要能傳英華語言敏捷方堪勝任補授此缺每年辛俸式百四十圓按年加增十式圓至三百六十圓為率如有報名投考者可將原稟及本人向執之荐書一并呈本署察閱收稟日期限至二月十三日禮拜一正午止截等因奉此合亟出示曉諭俾眾週知特示
一千八百九十九年 正月 三十日示

為

憲示 第六十號

署輔政使司師

曉諭事現奉

督憲札開將總緝捕官之示開列於下俾眾週知等因奉此合亟出示曉諭為此特示
一千八百九十九年 二月 初四日示

為

總緝捕官梅

出示曉諭事案奉

督憲札諭准華人於除夕元旦日等期燃燒爆竹等因奉此特按照一千八百八十八年第十三條則例酌定章程開列於後爾等凡在下列界址內外之居民須遵依所定時限燃燒爆竹毋得有違至所放爆竹或火切勿擲過人頭之上或近在人身或近惹火之物並須加意提防以免不測倘因不慎致罹其害則為該人是問除串爆外並不得燃燒竹炮業已通飭差役人等如見有不遵不限違犯章程或票傳或拘案嚴行究罰決不姑寬其各凜遵毋違特示

為

計開

城多厘亞城凡在下列四圍界址包括之內者英二月初九禮拜四即華人除夕准由下午五點鐘燒至下午六點鐘英二月初十禮拜五即華人元旦准由上午八點鐘燒至上午九點鐘下午五點鐘燒至下午六點鐘又英二月十六禮拜四即華人人日准由上午六點鐘燒至上午八點鐘止其餘時候一概不准燃放茲將四圍界址開列如左

- 一 正街由海面至文咸道止
 - 二 文咸道由正街至八號差館止
 - 三 由八號差館直落轉入律打街落普仁街轉入新街橫過大道入和風街至海面止
 - 四 海旁由和風街至正街止
- 以上所開街道兩旁或街之分截店戶皆入界限之內

城多厘亞城除以上四圍界址包括之街道外其餘各處准由英二月初九日禮拜四即華十二月廿九日下午四點鐘起限燒至十一日禮拜六即華正月初二日下午四點鐘止又英二月十六日禮拜四即華正月初七日由上午六點鐘燒至上午九點鐘止

一千八百九十九年

正月

三十一日示